



Kata Pengalo – Ngalo Ras Momo



Turang ras senina i bas Tuhanta Jesus Kristus, selaku serayan Tuhan, ikataken kami mejuah-juah ras Selamat Wari Minggu man banta kerina. Man bandu kekelengen kami si sekali enda denga erkebaktin i bas gerejanta enda, ikataken kami mejuah-juah. Kerehenndu nambahi keriahen man banta kerina. I bas bena kebaktinta mari dage sidengkehken momo kerna perdalanen perpulungen Tuhan, bage pe rencana pelayanen gerejanta ku bas wari-wari si reh enda ([Ngogeken Momo](#)).

Kata Penaruh



Minggu enda igelari Minggu Jubilate, eme Minggu si mabai kita ersurak erkiteken kemenangan si enggo isehken Tuhan Yesus Kristus man banta arah kekekenNa. Minggu si mabai kita guna ermeriah ukur erkiteken IA si enggo mulahi kita i bas erbage-bage kesusahen si enggo sibentasi. Pembebasen sinilakokenNa labo erkiteken kiniulinta, tapi erkiteken keleng ateNa banta. Sipesikap dage ukurta, radu kita ersembah ras ngatakan bujur man baNa si enggo mbebasken kita. Ersuraklah, haleluya.

Erkata Lonceng

(Perp. Tedis)

Rende

KEE No. 192 : 1, 2

(Serayan Kebaktin Bengket Ku Mimbar)

Kebaktin Minggu
Tanggal 25 April 2021
Jubilate : “Ersuraklah”

3	Votum – Salam <i>(Perp. Tedis)</i>
L	I bas gelar Dibata Bapa si nepa doni enda ras kerina isina, i bas gelar Jesus Kristus si enggo mulahi kam, i bas kuasa dosa ras perbeben nari ras i bas gelar Kesah Si Badia si nampati ras ngapuli manusia. Perkuah ate ras dame i bas Dibata Bapa ras i bas Tuhan Jesus Kristus nari, i bas kerembaken Kesah Si Badia ras kam kerina gelah, Amin.
P	Amin Amin Amin <i>(iendeken)</i>
4	Berita Kerna Perbahanen Ras Sura-Sura Dibata (Invocatio)
L	“Ersurak meriah kalak Sion ras Juda, erkiteken keputusenNdu, TUHAN” (Masmur 97 : 8). Erpalasken Kata Dibata enda, sipuji IA alu ngendeken : KEE No. 399 : 1, 2
5	Kinata Kegeluhen Manusia <i>(Perp. Kundul)</i>
L	Turang ras senina, bagi Tuhan enggo mulahi bangsa Israel i Mesir nari, jenari itegu-teguNa seh ku Jerusalem. Labo itimai Dibata manusia ngasup mulahi bana i bas iketen kesusahen nari, tapi leben IA nampati ope denga manusia beluh nampati bana.
P	Tuhu mehuli kal Kam O Tuhan, igejabken kami penampatNdu i bas kekoten kami.
L	Adi itatap Dibata kempak kegeluhen manusia si enggo ikelengiNa, kegeluhen si kuga nge genduari idapeti Dibata i bas dirinta ? <i>(Paksa Teneng)</i>

L	Marilah siakuken salah dosanta i adap-adapen Dibata.
P	Ngaku kami O Tuhan, megati kal mberat akap kami ngalaken perbeben, erkiteken lupa kami nandangi janji ras keleng ateNdu. Megati pe ernalem kami man gegeh ras pemeteh kami. O Tuhan alemi kal kami.
L	Mari dage sipindo perkuah ate Dibata arah enden-endenta : KEE No. 377 : 1, 2
6	Padan Dibata Guna Petetap Ukur I Bas Perbeben (<i>Perp. Tedis</i>)
L	<i>“Ketuahen kalak si erceda ate erkiteken dosa; sabap Dibata me ngapuli ia. Ketuahen kalak si meteruk ukurna; sabap isehken Dibata me padanNa man bana”</i> (Matius 5 : 4 - 5). Sipuji Tuhan i bas keleng ateNa si mbebasken kita, arah ende-endenta : KEE No. 302 : 1, 2
7	Kata Dibata (<i>Perp. kundul</i>)
a	Marilah sibegiken Kata Dibata si man ogenken ibas Minggu enda sini ibuat ibas Kitab Josua 1 : 5 - 8 . Mari siogeken secara pegancih. Sibenaken pengogenta
1:5 L	O, Josua, ise pe la ngasup naluken kam kidekah kam nggeluh. Aku ras kam bagi Aku enggo ras Musa. Aku tetap ras kam, la ndigan pe kam Kutadingken.
1:6 P	Tetaplah ukurndu janah tek lah, sabap kam kap si minpin bangsa enda guna ndatken taneh si enggo Kupadanken man nini-ninina.
1:7 L	Tetap lah ukurndu, tek lah. Janah inget! Ikutken kerina undang-undang si ibereken suruh-suruhanKu Musa man bandu. Sada bagin pe ola lupaken, maka ku japa pe kam lawes, jadi bagi sura-surandu.

1:8 P	Bage pe ola kam lupa maka kitap undang-undang e arus tetap rusur iogeken i bas kebaktiandu. Pelajarilah e suari ras berngi, janah arus iperdiatekenndu maka kerina si tersurat i je ipatuhindu. Alu bage la banci la kam sangap janah seh sura-surandu.
	Ketuahen kalak si megiken kata Dibata, dingen si makekenca i bas geluhna si teptep wari, Halleluya. Ialoi perpulungen alu ngendeken : <i>Halleluya Halleluya Halleluya</i>
b	Ertoto guna Khotbah
c	Khotbah : 1 Johanes 3 : 19 - 24. Tema : <i>“Ngikutken Perintah Dibata”</i>
d	Ertoto kenca khotbah
8	Pengakun Kiniteken <i>(Perp. Tedis)</i>
	Aku tek man Dibata Bapa si la ersibar kuasaNa, si nepa langit ras doni. Aku tek man Yesus Kristus anakNa si Tonggal Tuhanta, si jadi arah Kesah si Badia, tubuh i dur singuda-nguda nari si so keliamen, tergelar si Maria, si ngenanami kiniseran sangana pemerintahen Pontius Pilatus, nipakuken ku kayu persilang, mate je nari ikuburken, nusur ku doni kematen, peteluwariken enggo keke ibas si mate nari, nangkih ku surga, perkundulna arah kemuhen Dibata Bapa si la ersibar KuasaNa, je nari reh me IA pagi ngeranaken si nggeluh ras si enggo mate. Aku tek man Kesah si Badia, janah lit sada Gereja si Badia, persadan kalak si Badia, pengalemi dosa, kinikeken kula, kegeluhen si rasa lalap. Amin.
9	Persembahen <i>(Perp. Kundul)</i>
L	Ersikap kita guna nehken persembahen pengataken bujurta man Dibata, janah sibegiken Kata Dibata kerna persembahenta :

	<p>“Nembahlah man TUHAN alu ukur meriah, dahilah ku adep-adepenNa janah rende meriah” (Masmur 100 : 2).</p> <p>Tupung sisehken persembahen ras kita rende : KEE No. 366 : 1, 2</p> <p>Pertoton Persembahen ras Syafaat</p>
10	<p>Perpadanen Man Dibata <i>(Perp. Tedis)</i></p>
L	Tuhan enggo mbebasken manusia i bas iketen perbeben nari. IdiloNa kita gelah tetap njaga kemerdekaan si enggo ijujurkenNa.
P	O Tuhan, tetap ateku nginget keleng ateNdu. Ersurak me aku naksiken kinimbisanNdu.
L	Tuhan tetap setia njagai kegeluhen anak-anakNa, IA negu dingen encukupi keperluan geluh kalak si erkemalangen man baNa.
P	Erpadan aku Tuhan, kujaga me kinitekenku gelah tetap enteguh. La nai aru ateku kerna kegeluhen enda.
L	Mari sipuji Tuhan i bas keleng ate ras kesetianNa man banta, arah ende-endenta : KEE No. 286 : 1, 2
11	Pertoton Tuhan
12	Pengutusen Ras Pasu-Pasu Dibata
L	“Berkatlah alu mejuah-juah janah saksikanlah pembebasen si enggo ialokenndu i bas Dibata nari”, jenari alokenlah pasu-pasuNa : <i>“Ipasu-pasu janah ikawali Dibata kam. Siang ayo Dibata ersinalsal ibabondu, janah melias ateNa ngenehen kam. Itatap Dibata ku kam janah malem atendu ibahanNa”</i> Amin.
	<p>Ialoi perpulungen alu ngendeken :</p> <p>A..min A...min Amin</p>
	<i>SELAMAT HARI MINGGU/SYALOOM.....</i>